



Broj: 02-04-3-9068-1/23  
Goražde, 05.02.2024.godine

Na osnovu člana 17. stav (3) Zakona o javnim nabavkama ("Službeni glasnik BiH" broj 39/14, 59/22), člana 36. i 89. Statuta Grada Goražda ("Službene novine Grada Goražda" broj 5/18), zahtjeva za nabavku radova na poduzimanju preventivnih sanacionih mjera na sprečavanju širenja štetnih gasova na deponiji Šišeta u Goraždu, podnešenog od strane Službe za prostorno uređenje i komunalne poslove, Gradonačelnik Grada Goražda **d o n o s i:**

### **P O S E B N U O D L U K U o pokretanju postupka javne nabavke**

#### **Član 1.**

Ovom Odlukom pokreće se postupak javne nabavke radova – Poduzimanje preventivnih sanacionih mjera na sprečavanju širenja štetnih gasova na deponiji Šišeta u Goraždu.

Shodno navedenom vrši se izmjena Privremenog plana nabavki Grada Goražda za 2024. godinu kako slijedi:

**Radovi, dodaje se stavka:**

**Redni broj: 1**

Naziv predmeta nabavke: Ustupanje radova na poduzimanju preventivnih sanacionih mjera na sprečavanju širenja štetnih gasova na deponiji Šišeta u Goraždu

CPV kod: 45222110-3 (Građevinski radovi na odlagalištima za otpad)

Vrsta postupka: Pregovarački postupak bez objavljivanja obavještenja o nabavci

Podjela na lotove: ne

Predviđa se: Zaključivanje ugovora

Period trajanja ugovora/okvirnog sporazuma: 90 dana od dana potpisivanja ugovora

Procjenjena vrijednost: 60.000,00 KM bez PDV-a

Okvirni datum pokretanja postupka: februar 2024. godine

Izvor finansiranja: Budžet Grada Goražda – ekonomski kod 821619-1 I 613991-1, i sredstva doznačena od strane Vlade Bosansko-podrinjskog kantona Goražde.

#### **Član 2.**

Postupak javne nabavke po ovoj Odluci provest će Komisija formirana posebnim rješenjem Gradonačelnika Grada Goražda.

#### **Član 3.**

Ova odluka počet će se primjenjivati danom donošenja.

## O b r a z l o ž e n j e

U skladu sa članom 17. Zakona o javnim nabavkama (“Službeni glasnik BiH” broj 39/14, 59/22) postupak javne nabavke se može pokrenuti ako je nabavka predviđena u planu nabavki, ili ako ugovorni organ donese posebnu odluku o pokretanju postupka javne nabavke kojom mijenja plan javnih nabavki.

Od strane Službe za urbanizam, prostorno uređenje i komunalne poslove je dana 05.02.2024. godine podnešen zahtjev za pokretanje postupka nabavke radova na poduzimanju preventivnih sanacionih mjera na sprečavanju širenja štetnih gasova na deponiji Šišeta u Goraždu. U zahtjevu se traži “provodenje hitnog postupka javne nabavke, jer je prilikom izlaska na teren PVJ Goražde i JKP “6. Mart” na lokaciji deponije Šišeta dana 01.02.2024. godine ustanovljeno da na iste dolaze velike količine dima, što je potvrđeno i od strane građana koji žive u obližnjim naseljima. Zbog navedenog problema održana je i vanredna sjednica Gradskog štaba civilne zaštite Grada Goražde na kojem je između ostalih donesen zaključak da nadležna Služba u skladu sa pozitivnim zakonskim propisima poduzme aktivnosti na angažovanju građevinske operative na sanaciji deponije Šišeta radi sprečavanja daljeg širenja negativnih posljedica po zdravlje stanovništva. Osim toga održan je i Zbor građana MZ Goražde IV, na kojem je zatraženo hitno djelovanje i poduzimanje mjera sa ciljem zaštite zdravlja građana koje je ugroženo velikom količinom dima izazvanog sagorjevanjem otpada na deponiji. Uz zahtjev su priloženi Zaključci Gradskog štaba civilne zaštite koji su doneseni povodom situacije na deponiji Šišeta, spisak građana sa područja MZ Goražde IV koji su bili prisutni na Zboru građana sa potpisima kao i fotografije sa terena.

Nakon razmatranja podnešenog zahtjeva imajući u vidu potrebu za hitnim poduzimanjem mjera radi zaštite zdravlja stanovništva, utvrđeno je da su ispunjeni uslovi za primjenu pregovaračkog postupka bez objavljivanja obavještenja o nabavci predviđeni članom 21. tačka d) Zakona o javnim nabavkama (“Službeni glasnik BiH” broj 39/14, 59/22). Naime, pomenuvši članom Zakona je određeno da ugovorni organ izuzetno može ugovor o nabavci dodjeljivati putem pregovaračkog postupka bez objave obavještenja o nabavci izmađu ostalog i kada izuzetno, zbog dokazivih razloga krajnje hitnosti prouzrokovane događajima nepredvidivim za ugovorni organ, ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak sa objavom obavještenja, s tim da se okolnosti kojima se opravdava izuzetna hitnost postupka ni u kom slučaju ne smiju dovesti u vezu sa ugovornim organom.

Cijeneći gore navedene okolnosti, donesena je odluka kao u dipozitivu.

### DOSTAVLJENO:

1. Služba za investicije, lokalni ekonomski razvoj i upravljanje imovinom
2. u dosije i
3. a/a

